



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Prima Duo Sæcula Complectens

Fleury, Claude

August. Vind. [u.a.], 1758

VD18 13322648

§. 42. Hæreses. Ebion. Cerinthus. Menander.

[urn:nbn:de:hbz:466:1-66002](https://nbn-resolving.org/urn:nbn:de:hbz:466:1-66002)

dione occisorum, terdecies centena tri-
 ginta septem hominum millia supra qua-
 dringentos, & nonaginta inveniet, quam-
 plurimis aliis millibus in hunc cumulum
 non coactis. Herodes Agrippa Herodia-
 norum ultimus Regni sui augmentum
 cum Præturæ honoribus ab Imperatore
 accepit, vixitque usque ad annum Impe-
 ratoris Trajani tertium; sororem ejus
 Berenicen Imperator Titus adamavit, a-
 deo, ut de nuptiis cogitaret. Attamen
 Herodianorum stirps quamvis valde nu-
 merosa intra centum annorum spatium
 extincta est. Hanc Belli Judaici histo-
 riam scripsit Græce Josephus Mathiæ Sa-
 crificatoris filius, qui ab Imperatore ca-
 ptus, & libertate donatus, tanquam ejus
 Libertus Flavii nomen assumpsit, Flavius
 enim Vespasiani Gentile nomen erat.
 Fuit Josephus ferme omnium, quæ in
 hoc bello gesta sunt, testis oculatus; cum-
 que a Judaismo nunquam defecerit, su-
 spectus esse non potest, quasi adimpletio-
 nem eorum, quæ JESUS Christus prædi-
 xit, demonstrare affectasset.

Sæculum I.
 A. C. 73.

Just. Tiber.
ap. Phot.
cod. 33.

Suet. Tit. n. 7

Jos. XVIII
ant. c. 7.

§. XLII.

Hæreses Ebionis. Cerinthi. Me- nandri.

Post excidium Jerosolymæ Judæorum
 Sæctæ ætatem non tulerunt; vix am-
 plius

Epiph. hæ.

19. n. 5. id.

hæ. 29. n. 7.

U 5

Sæculum I. plus de Pharisæorum, & Saducæorum
 A. C. 73. discrimine quidquam audiebatur. Na-
 zaræos adhuc invenire erat, alio nomine
 Minæos, at hi potius Christiani erant,
 circumcissionem, & Legem observantes;
 Hier. ad Aug. ep. 89. Epiph. hæ. 29. n. 9. & cumque & Judæi, & Christiani esse vel-
 hæ. 30. n. 2. lent, revera nec Judæi erant, nec Chri-
 Id. hæ. 30. stiani. Evangelio S. Matthæi in idioma-
 n. 17. te originali utebantur, hebraicum enim
 perfecte callebant. Erroribus Ebionis,
 cujus hæresis tunc apparere cœpit, ad-
 hæserunt; nam dum Christiani, qui Je-
 rosolyma aufugerant, adhuc Pellæ De-
 capoleos urbe degebant, in eadem Regio-
 ne Ebion oppido quodam nomine Cacata
 in Basan habitabat. Vox Ebion paupe-
 rem significat, hinc quamvis hoc nomen
 a nativitate accepisset, in eo tamen Di-
 scipuli sui gloriabantur, quasi sanctam
 paupertatem eorum imitarentur, qui ven-
 diti Patrimonii pretium ante pedes Apo-
 stolorum attulerant.

Iren. lib. I.
 c. 26.
 Hier. in
 Matth. 12.
 in it.

Coeterum S. Petri Discipuli haberi
 volebant, rejicientes S. Paulum, quem
 calumniis onerabant; nec enim S. Pau-
 lum, ajebant; origine fuisse Judæum, sed
 Gentilem Profelytum, eumque, cum Je-
 rosolymæ esset, filiam cujusdam Sacrifi-
 catoris in matrimonium petiisse, hunc in
 finem se circumcidi passum, cum vero il-
 lam obtinere non potuisset, ex indigna-
 tione

tione circumcisionem, & Legem oppu-
 gnasse. Ut suos errores liberius S. Pe-
 tro possent affingere, relationem itine-
 rum ejus, a S. Clemente conscriptam,
 corruerant. Cum Fidelibus servabant
 Diem Dominicam; baptizabant, & con-
 secrabant Sacram Eucharistiam; in cali-
 cem autem aquam solam infundebant.
 Uterius dicebant; inter duos universi
 Imperium a Deo esse divisum, nempe in-
 ter Christum, & Diabolum. Diabolo
 omnem potestatem esse in præsentem
 mundum, Christo autem in futurum Sæ-
 culum. Christum fuisse creatum sicut
 Angelorum aliquem, sed cæteris majo-
 rem. Jesum natum esse ex Joseph, &
 Maria generatione communi, utroque se-
 xu concurrente. Cum deinde magnos
 in virtute fecisset progressus, electum
 fuisse a Deo in Filium, per Christum, qui
 ex alto in columbæ specie in eum descen-
 disse. Solam fidem in Jesum Christum
 sine observantia legalium ad salutem suf-
 ficere negabant. Evangelium S. Matthæi
 legebant, quod alteraverant, rescissis præ-
 fertim Genealogiis. Omnes Prophetas
 Josue posteriores rejiciebant, Samuelem,
 Davidem, Salomonem, & ipsum Eliam;
 in ipsa Lege multos textus delebant. Je-
 rosolymam ut Domum Dei adorabant.
 Omnes suos Sectatores matrimonium i-
 nire etiam ante annos pubertatis impe-
 rabant,

Sæculum I.
 A. C. 73.

Epiph. hæc.
 30. n. 15. *Ibi.*
 n. 3. n. 16.
Tertull. de
car. Chr. c. 14
Euf. III.
hist. t. 27.

Epiph. hæc.
 30. n. 13.
Iren. l. 1. c. 26

Epiph. n. 18.

Sæculum I. rabant. Licita inter eos erat Polygamia.
A. C. 73. Hi fuerunt Ebionis errores.

Iren. I. c. 25. Cerinthy errores his erant simillimi.
Tertull. Non esse Deum, qui hunc mundum fabri-
præ/c. c. 48. casset, aiebat; sed quamdam virtutem se-
paratam, & a virtute suprema valde di-
stinctam, idque Deo inscio attentasse.
Hebræorum Deum, non esse Dominum,
sed Angelum. Jesum sicut alios homi-
nes ex Joseph, & Maria fuisse natum; sed
quia omnes sapientia, & virtute superas-
set, Christum a supremo Deo missum,
post ejus baptismum, in columbæ forma
in eum descendisse; tuncque Patrem, ha-
ctenus ignotum annuntiasse, & patrasse
miracula. Ad finem vitæ tempore pas-
sionis ejus Christum a Jesu avolasse, JE-
sum vero solum fuisse passum, & resur-
rexisse; & Christum, utpote spirituales,
semper impassibilem, & immortalem
Cajus apud mansisse. Idem Cerinthus quamdam re-
Euseb. 3. hist. velationem prætexebat, portentosas ima-
c. 28. gines continentem, quas sibi ab Angelis
Dyon. apud ostensas dicebat; asserens, post resurre-
Euseb. 7. c. 25 ctionem universalem Jesum Christum in
terris regnaturum, hominesque Jero-
solyms omnibus deliciis fruituros, cunctis
carnis desideriis satisfacturos, & hoc mo-
do quasi in continuis nuptiis, & conviviiis
Iren. ibid. mille annorum spatium transacturos. Hi
sunt errores Cerinthy, quos in Asia dis-
seminabat.

Circa

Circa idem tempus quidam Menander
vivebat inter Discipulos Simonis Magi
facile primus. Erat, sicut Magister ejus,
Samaritanus ex oppido Capparetaia di-
cto. Nec minus ei erat cum Dæmoni-
bus commercium, & in hac arte Magi-
ster multos Antiochiæ suis præstigiis se-
duxit. Se, nempe Simonis exemplo, a
virtute hominibus incognita in hunc
mundum fuisse missum, dicebat, pro
omnium Salute; neminem salvandum,
nisi in suo Nomine baptizatum, suum au-
tem baptismum veram esse Resurrectio-
nem, ita ut ejus Discipuli jam in hoc
mundo futuri essent immortales. Nihil-
ominus pauci erant, qui hunc baptismum
expeterent.

Sæculum I.
A. C. 73.

*Iren. lib. I.
c. 21.*

*Tertul. de
ann. c. 50.*

§. XLIII.

Philosophi.

Etiam Dæmoni sui Apostoli non deerant,
quos ad Paganos mitteret. Multi
tunc Philosophi mundum pervagabantur,
& in amplis civitatibus commorati, per-
orabant ad populum, quasi bonos mores
reducturi, reipsa vero magis, magisque
antiquis superstitionibus immergebant.
Super omnes alios fama eminuit Apollo-
nius Thyanæus; hunc sequebatur Eu-
phrates Tyrius, primum amicorum ejus
intimus, deinde adversariorum insensissi-
mus.

*Plin. l. 1. ep.
10. Philost.
Apoll. lib. 4.
5. 6. 7. Plin.
lib. 3. ep. 11.*